

SAMÞYKKTIR

fyrir Sparisjóð Aðaldæla.

158

29. nóv.

I. KAFLI

Stofnun, nafn, ábyrgð og stjórn sjóðsins.

1. gr.

Sjóðurinn heitir Sparisjóður Aðaldæla, og skal heimili hans og varnarþing vera á þingstað hreppsins.

2. gr.

Stofnfé sjóðsins er 3000 krónur og skiptist í hluti, 25 krónur hver, er stendur sem trygging fyrir innstæðufé viðskiptamanna. Vextir af stofnfé skulu eigi vera hærri en í sparisjóðsdeild Landsbanka Íslands á hverjum tíma, og greiðist hluthöfum við hver áramót.

Nú verða eigendaskipti á stofnbréfi, hvort heldur við sölu eða erfð, skal þá rita nafn hins nýja eiganda á bréfið sjálft og sömuleiðis í gerðabók sjóðsins. Er eignarréttur af bréfunum því aðeins gildur, að svo sé gert.

3. gr.

Árságóði sjóðsins, að frádregnum öllum reksturskostnaði, skal lagður í sérstakan sjóð og er það varasjóður sparisjóðsins og stendur sem trygging fyrir viðskiptum hans.

4. gr.

Aðalfund skulu stofnfjäreigendur eiga með sér í aprílmánuði ár hvert. Skulu þar lagðir fram endurskoðaðir reikningar sjóðsins til samþykktar og kosnir tveir menn í stjórn hans til þriggja ára og sömuleiðis tveir varamenn. Sýslunefnd Suður-Þingeyjarsýslu kýs 1 mann í stjórnina og einn til vara. Stjórnin skiptir sjálf með sér verkum, sbr. lög um sparisjóði frá 27. júní 1941. Á fundi ræður afl atkvæða og hefur hver fundarmaður eitt atkvæði, án tillits til þess, hvort hann á eitt stofnbréf eða fleiri. — Fundur er lögmatgur sé hann boðaður með viku fyrirvara og mæti fullur helmingur fulltrúa.

5. gr.

Starfsmenn sjóðsins skulu bundnir þagnarheiti, að viðlögðum drengskap, um öll viðskipti sjóðsins við einstaklinga eða stofnanir, og aldrei skýra neinum frá þeim, nema þeir séu tilskyldir að lögum. Þagnarheitið skal skráð í gerðabók sjóðsins, undirritað af þeim sjálfum.

II. KAFLI

Innlög og vextir.

6. gr.

Um innlög í sparisjóðinn gilda þessar meginreglur:

- Hver innlagseigandi skal fá viðskiptabók með sömu áritun og er í höfuðbók sjóðsins. Gildir viðskiptabók sem samningur við sjóðinn og skal hún undirrituð af formanni sjóðsins. Aldrei má láta af hendi innstæðu, nema það sé um leið fært í viðskiptabók aðila.
- Stjórn sjóðsins getur, þegar henni þykir ástæða til, hafnað innlögum í sjóðinn eða áskilið að þau standi allt að því árlangt.

7. gr.

Um uppsagnir og útborganir innlagsfjár gilda þessar reglur:

- a. Enginn getur sagt upp innstæðu, nema hún hafi staðið í sjóðnum að minnsta kosti tvo mánuði. Greiðslufrestur á innstæðum yfir 500 krónur skal vera tveir mánuðir.
- b. Engir vextir greiðast af innstæðu frá þeim degi, er henni var sagt upp. Skylt er eiganda að veita móttöku uppsagðri innstæðu nær sem er eftir uppsagnardag.
- c. Sé innstæða tekin öll út, skal eigandi afhenda viðskiptabók sína með áritaðri viðurkenning. Glatist viðskiptabók ber eiganda hennar að fá hana ógilta að lögum áður en hann fær krafizt útborgunar af hálfu sparisjóðsins.

8. gr.

Ef eigandi að innstæðufé eða erfingar hans vitja eigi sjóðsins í 15 ár, til að taka við vöxtum eða segja upp höfuðstól, og eigi heldur innan 6 mánaða eftir áskorun í blaði því, er flytur stjórnarvaldaauglýsingar, er öll innstæðan ásamt vöxtum orðin eign sparisjóðsins.

III. KAFLI

Um útlán.

9. gr.

Eignir sjóðsins skal ávaxta:

- a. með því að kaupa rikisskuldabréf eða önnur skuldabréf, sem álita má jafngóð;
- b. með því að lána fé til einstakra manna gegn áreiðanlegu fasteignaveði, í hæsta lagi $\frac{2}{3}$ af virðingarverði því, sem lögskipaðir virðingarmenn meta, eða gegn sjálfskuldarábyrgð einstakra manna eða félaga. Sjálfskuldarábyrgðarlán úr sjóðnum til einstakra manna má þó því aðeins veita, til lengri tíma en eins árs, að þau séu afborgunarlán með árlegri afborgun, og sé henni að fullu lokið innan 10 ára frá lánveitingunni;
- c. með því að kaupa víxla, sem sparisjóðsstjórn telur tryggja;
- d. á hvern annan hátt, er stjórn sjóðsins telur heppilegan.

10. gr.

Stjórnendur sparisjóðsins mega hvorki taka sjálfir fé sjóðsins að láni né heldur vera ábyrgðarmenn annarra lánþega hans.

II. KAFLI

Um reikninga sparisjóðsins og endurskoðun.

11. gr.

Reikningsár sparisjóðsins skal vera almanaksárið og reikningur hans vera saminn og lagður fram á skrifstofu sjóðsins fyrir lok marz mánaðar ár hvert.

12. gr.

Ársreikningur skal þannig gerður, að af honum sjáist glöggst yfirlit yfir starfsemi sjóðsins á liðna árinu og eignir og skuldir í árslok.

13. gr.

Endurskoðun á reikningum sjóðsins hafa á höndum tveir menn, þar til kjörnir af sýslunefnd Suður-Þingeyjarsýslu. Eiga þeir aðgang að öllum bókum og reikningum sjóðsins nær sem er, og ber þeim að vera vel á verði um allan hag hans.

V. KAFLI
Önnur ákvæði.

158
29. nóv.

14. gr.

Þau atriði, sem eigi eru í samþykktum þessum, en varða þó sparisjóðinn, skal fara með samkvæmt lögum um sparisjóði frá 27. júní 1941 og reglugerð fyrir sparisjóði frá 15. febrúar 1942.

15. gr.

Samþykktum þessum má aðeins breyta á aðalfundi og séu $\frac{2}{3}$ framkominna atkvæða með breytingunni, enda séu breytingarnar staðfestar af stjórnarráðinu.

Samþykktir þessar staðfestast hér með.

Viðskiptamálaráðuneytið, 29. nóvember 1944.

Pétur Magnússon.

Torfi Jóhannsson.

AUGLÝSING
um skömmtn á bensíni.

159
30. nóv.

1. gr.

Samkvæmt reglugerð um sölu og afhendingu benzíns og takmörkun á akstri bifreiða, dags. 18. febrúar 1943, skal benzínskammtur til bifreiða vera sem hér segir á tímabilinu 1. janúar til 30. apríl 1945:

A. Fólksbifreiðir:

1. Strætisvagnar í Reykjavík og Hafnarfirði	8000 lítrar
2. Almenningsbifreiðir, hálfkassabifreiðir og mjólkurflutninga-bifreiðir	4000 —
3. Leigubifreiðir þær, sem uppfylla ákveðin skilyrði	2500 —
4. Einkabifreiðir:	
a. Læknabifreiðir	800 —
b. Almenn stærð, 5—6 manna	400 —
c. Smábifreiðir, 15 hestafla og minni	250 —
d. Bifhjól	50 —

B. Vörubifreiðir:

1. Vörubifreiðir, 2 tonn og stærri	2900 —
2. — $1\frac{1}{2}$ tonn	1800 —
3. — $\frac{3}{4}$ — $1\frac{1}{4}$ tonn	1300 —
4. — smábifreiðir	600 —

2. gr.

Lögreglustjórar afhenda benzínskömmtnarhefti til annarra nota en bifreiða-aksturs, samkvæmt reglum, sem áður hafa verið settar.

3. gr.

Benzínskömmtnarmiðar frá árinu 1944 falla úr gildi 1. janúar 1945.

4. gr.

Benzínskömmtnarmiðar, sem menn kunna að eiga ónotaða frá 1. skömmtnar-tímabili ársins 1945, skulu gilda áfram á 2. skömmtnartímabili 1945.